



e-bilten

OPĆINA TEŠANJ

www.opcina-tesanj.ba

e-mail: fuad.sisic@opcina-tesanj.ba

Ponedjeljak
Broj 57

15.08.2011

1. Pitanje i odgovor
2. Argumentacija ZA – glasanje PROTIV
3. Uspjesi poduzetnika se nastavljaju
4. Hotel u Tešnju

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: fuad.sisic@opcina-tesanj.ba
Molimo vas da ovaj elektronski bilten prosljedite svim zainteresiranim u našoj općini. Ukoliko želite da objavite neke od vaših novosti, iskoristite elektronski bilten općinskog načelnika, koji je brz, efikasan i besplatan način komuniciranja sa javnošću.
Sa zadovoljstvom očekujem vaše komentare, sugestije i primjedbe.

Molim da ne prinatate ovaj sadržaj. Za svaki nepotrebno odštampan papir mora se bez potrebe oboriti drvo koje raste!

Pitanje i odgovor

Griješ je donositi odluke po urgencijama

Pitanje

From: Fuad Sisic <fuad.sisic@opcina-tesanj.ba>

Date: 2011/7/15

Subject: Odluka

To: "pitanja@rijaset.ba" <pitanja@rijaset.ba>

„Esselamualejkum,

dugo me muči problem stalnih intervencija, traženja veza gotovo pri svim stvarima: upis djece u školu, posao, asfaltirati put,... Moje pitanje je: da li je onaj KO donosi odluku po preporuci, intervenciji griješan? Pogotovo što bi takvom odlukom neko mogao biti oštećen iako onaj KO odlučuje u tom momentu ne vidi nikoga imenom i prezimenom kao oštećenog. Npr. Primi dijete po intervenciji u školu a onda nema mjesta za neko dijete sa boljim uspjehom? Primi nekoga u javnu službu po preporuci kao kriteriju a ne po sposobnosti i socijalnoj potrebi, ili vremenu čekanja na posao? Asfaltira put u mahali zbog glasova na izborima javnim sredstvima iako ta manala nije po javnom redu prioriteta?"

Odgovor

From: Enes Ljevakovic <enesljevakovic@yahoo.com>

Date: 2011/7/31

Subject: Re: Fwd: Odluka

To: Rijaset Islamske zajednice <pitanja.rijaset@gmail.com>

“Esselamu alejkum!

Zahtjevi za intervencije različite naravi često su uvod ili vrata korupcije i mita. Da bi se smanjio pritisak i mogućnost interveniranja, treba što je moguće preciznije postaviti jasne uvjete i kriterije prijema u školu, na fakultet, u službu, prilikom odobravanja socijalne pomoći, izgradnje infrastrukture itd. Kada se to učini, treba se samo držati tih uvjeta i kriterija. U suprotnom, može se nekome nanijeti nepravda i zulum, a to je grijeh. Ukoliko intervencija neće oštetiti bilo koga, a cilj joj pomoći nekoj osobi ili zajednici, nema smetnje da se uvaži njen zahtjev i pomogne joj se. Poslanik a.s. kaže: "Ko može da pomogne svome bratu (muslimanu), neka to učini!" Ali ta pomoć ne smije biti na štetu onoga koji ima prednost shodno utvrđenim kriterijima, odnosno ko je u težem položaju od osobe ili zajednice za koju se intervenira. U slučaju da ovlaštena osoba ima mogućnost i pravo diskrecione procjene, dužan je voditi računa o općem, a ne ličnom interesu i primijeniti princip prioriteta. "Djela se prema namjerama vrednuju" - kaže Poslanik a.s."



Argumentacija ZA – glasanje PROTIV

Ima logike ali nema Sulje da polaže kabal

Dok je trajala posljednja sjednica Općinskog vijeća, sjetio sam se onog vica o Muji i Sulji. Kopao Mujo kanal za neki kabal koga je trebalo položiti, pa je naišao prolaznik i vidio Muju kako kopa kanal, a onda se vrati nazad nakon nekog vremena pa zatrpava. Pita ga prolaznik šta on to radi, jer nema logike da kopa a zatim tek tako zatrpava. Mujo mu odgovori: *Ima logike, ali nema Muje da položi kabal.*

Neki vijećnici se ponašaju baš tako da nema logike, bar što se tiče institucionalnog djelovanja i doprinosa. Razumljivo je i logično da opozicija ne podržava poziciju, ali nije razumljivo i logično samo zbog toga raditi protiv interesa zajednice i institucija. Na loše stvari treba ukazati, treba dati doprinos da se one ne dogode, ali ne treba ispravne stvari dokazivati kao neispravne, i korisne prijedloge napadati svom snagom samo zbog političkih razlika. To nikome ne donosi korist.

U nedostatku valjane argumentacije da odbrane svoje sebične političke stranačke stavove, neki vijećnici iznose argumente u korist predloženih rješenja a onda glasaju protiv. Ironično zvuči argumentacija da se ne ide u zatvaranje javne apoteke jer naredne godine slijedi privatizacija. Zatvaranjem javne apoteke sada, Općina ima neposrednu korist u zadržavanju imovine u svom vlasništvu a kroz proces privatizacije to neće biti moguće, i Općina neće imati neposredno nikakvu korist. Ironično zvuči napad na Općinskog načelnika da je napravio zavjeru i doveo apoteku u gubitak, i istovremeno tvrdnja da su javne apoteke u drugim sredinama u mnogo većem gubitku.


Napadati Općinskog načelnika što ljudi nemaju vodu u Žabljaku, a odbijati prijedlog kojim se upravo to treba spriječiti kako bi ljudi imali vodu, ironično je samo po sebi. Napadati Općinskog načelnika što radi svoj posao u skladu sa propisima, a istovremeno djelovati vaninstitucionalno i otežavati posao Općinskom načelniku je licemjerno i politički neodgovorno. Argumentirati da se neće glasati za izvještaj o izvršenju budžeta (na koga nemaju primjedbu), samo zbog toga što nisu glasali za odluku o budžetu za 2011. godinu, je neozbiljno i institucionalno neodgovorno.


Ali to su dostignuća opozicije u ovom mandatu. Istina, u jednom periodu kada su bili pozicija ponašali su se isto. Ako u takvoj situaciji može biti ičega dobro, onda je dobro da su takvi opozicija.

Uspjesi poduzetnika se nastavljaju


Iskrene čestitke

I ove godine su Poslovne novine objavile rezultate poslovanja bh kompanija, a među 100 najvećih, ponovo su značajno mjesto zauzele privatne kompanije iz Tešnja. Tu su HIFA-OIL (10), AS (31), MHBA (51), HIFA (54), KOTEKS (89) i POBJEDA (100), a iz reda malih preduzeća među prvih 25 se našao BELIF (4) i LIFE-OIL (14).





RANKLISTA




osnova suterena : kota -2/40 (229/20)

1. garaža 811,0 m²
2. serv/isl. ostave, vešeraj, garderobe uposlenih 220,0 m²
3. supermarket 291,0 m²

ukupno.....1322,0 m²

Treba istaći da su 2008. godine, tešanske firme među prvih 100 u BiH, ostvarile prihod od 444.915.615,00 KM, 2009. godine 399.206.064,00 KM a 2010. godine 506.796.362,00 KM. Nakon duboke globalne krize, prošla godina je pokazala oporavak najvećih a to ukazuje da se nadati novim investicijama i radnim mjestima.

NAJVEĆI H 100 – Prihod ukupno




Svakako treba istaći i uspjeh koji je ostvario Suad Roša, direktor i suvlasnik Alpina-Bromy priznanjem za najmenadžera jugoistočne i srednje Evrope. Ovo je najviše priznanje Nezavisne agencije, Evropskog udruženja menadžera i časopisa *Euromanager* za izvanredan rad i kvalitetnu proizvodnju modernih ženskih i muških cipela, gotovo 100% plasman na inostrano tržište, nove investicije i zapošljavanja.

Hotel u Tešnju

Ipak se kreće

Nakon što prošlogodišnji prijedlog urbanističkog rješenja novog hotela u Tešnju nije prihvaćen, općinska administracija je angažovala novu projekttnu kuću – Fakultet arhitekture u Sarajevu, i pripremila novi nacrt rješenja. Ovo rješenje je uspješno prošlo prvu provjeru, jer je na posljednjoj sjednici Općinskog vijeća Tešanj dobilo **jednoglasnu podršku**. Sada treba dobiti podršku investitora, odnosno vlasnika sadašnjeg objekta. Iako postoje razlike između ovog početnog prijedloga i prijedloga investitora, u periodu javne rasprave koja će trajati 60 dana, očekuje se usaglašavanje stavova. Iz prvih razgovora Općinskog načelnika i vlasnika sadašnjeg objekta hotela, ako se usaglaši konačan prijedlog, može se očekivati da Tešanj konačno dobije hotelski sadržaj gdje je do 1992. godine već naredne godine. Krajnje je vrijeme.






osnova prizemlja, kota 1,10 (229'20)

- 1. restoran 240,0 m²
- 2. kuhinja 108,0 m²
- 3. prijemni hol, loby, office 147,0 m²
- 4. komercijalni sadržaji 401,0 m²
- 5. spa centar sa bazenom 335,0 m²
- 6. uprava hotela 132,0 m²
- 7. terasa 178,0 m²


ukupno.....1363,0 m²



osnova prvog kata, kota 4,60 (235'10)

- 1. komercijalni sadržaji 291,0 m²
- 2. komunikacije, sanitarije 85,0 m²
- 3. hotelski smještaj 584,0 m²
- 4. stanovanje 184,0 m²

ukupno.....1144,0 m²




osnova drugog kata, kota 8,10 (238'60)

- 1. hotelski smještaj 584,0 m²
- 2. stanovanje 184,0 m²

ukupno.....768,0 m²



osnova trećeg kata, kota 11,60 (242'10)
1. stanovanje 184,0 m²
ukupno.....184,0 m²



**Bajram
Šerif
Mubarek
Olsun!**

Općinski načelnik
Fuad Šišić

